

---

**KENYATAAN MEDIA**  
(*Untuk Siaran Langsung*)

## **CGC Menyertai Pakej Rangsangan Ekonomi 2020**

**KELANA JAYA, 28 Februari 2020** – Credit Guarantee Corporation Malaysia Berhad (CGC) turut menyokong Kemudahan Bantuan Khas (Special Relief Facility atau SRF) bernilai RM 2.0 billion yang telah diperuntukkan oleh Bank Negara Malaysia untuk Perusahaan Kecil dan Sederhana (PKS) yang terjejas oleh wabak COVID-19.

Kemudahan SRF ini bertujuan untuk membantu meringankan beban aliran tunai jangka pendek PKS yang terjejas oleh COVID-19 dan untuk membolehkan mereka meneruskan operasi perniagaan.

CGC menawarkan skim jaminan BizJamin SRF dan BizJamin-i SRF kepada PKS yang terjejas bermula 6 Mac sehingga 31 Disember 2020.

BizJamin SRF dan BizJamin-i SRF menawarkan pinjaman / pembiayaan sehingga RM1 juta dengan kadar pembiayaan tidak melebihi 3.75% setahun dengan tempoh pembiayaan sehingga 5.5 tahun. Ini termasuk tempoh penangguhan bayaran balik bulanan selama enam bulan dan jaminan sebanyak 80% ke atas pinjaman / pembiayaan.

PKS yang berminat boleh memohon melalui imSME, platform atas talian rujukan pinjaman / pembiayaan Malaysia yang pertama di [www.imsme.com.my](http://www.imsme.com.my). PKS juga boleh memohon terus kepada institusi-institusi kewangan yang terlibat.

Presiden / Ketua Pegawai Eksekutif, Datuk Mohd Zamree Mohd Ishak berkata, “Sebelum ini pada tahun 2015, CGC telah menyediakan pembiayaan langsung BizBina-i kepada PKS yang terjejas akibat bencana alam dan kekangan ekonomi. PKS boleh memanfaatkan BizBina-i sebagai modal kerja dan/atau untuk pembiayaan pengambilalihan aset.”



Zamree juga berkata, "PKS di bawah skim jaminan kami yang mengalami keadaan yang sama boleh mendapatkan bantuan daripada institusi-institusi kewangan untuk menjadualkan dan menyusun semula kemudahan pembiayaan mereka yang sedia ada. Kami juga menyediakan perkhidmatan nasihat kewangan untuk pelanggan pembiayaan langsung CGC yang berhadapan dengan cabaran ekonomi."

PKS yang memerlukan bantuan atau infomasi digalakkan untuk melayari [www.imsme.com.my](http://www.imsme.com.my) dan menghubungi Pusat Khidmat Pelanggan di 03-78800088 atau 16 cawangan CGC di seluruh negara.

-TAMAT-



## MENGENAI CGC

Credit Guarantee Corporation Malaysia Berhad (CGC) telah ditubuhkan pada 5 Julai 1972. Ianya 78.65% dimiliki oleh Bank Negara Malaysia dan 21.35% oleh bank-bank komersial di Malaysia. CGC ditubuhkan untuk membantu PKS yang tidak mempunyai cagaran atau rekod yang tidak mencukupi untuk mendapatkan kemudahan kredit dari institusi kewangan dengan menyediakan perlindungan jaminan ke atas kemudahan tersebut. CGC telah memanfaatkan lebih daripada 470,000 jaminan dan pembiayaan kepada PKS bernilai lebih dari RM75 bilion sejak penubuhannya.

Di samping itu, CGC juga menyediakan perkhidmatan kredit dan perkhidmatan penarafan kredit melalui anak syarikatnya Credit Bureau Malaysia. Credit Bureau Malaysia membolehkan CGC membantu PKS membina sejarah kredit dan rekod prestasi untuk meningkatkan kredibiliti dan kebolehpercayaan mereka. Dengan ini, PKS akan dapat memperoleh pembiayaan berdasarkan merit mereka sendiri dan pada kos yang munasabah.

Pada Februari 2018, CGC memperkenalkan imSME, sebuah platform rujukan pembiayaan / pinjaman PKS atas talian yang pertama di Malaysia. Sejak penubuhannya sehingga Januari 2020, portal imSME telah menerima lebih daripada 1,253,000 kunjungan dan lebih daripada 15,000 PKS berdaftar.

MyKNP dilancarkan bersama Bank Negara Malaysia dan Agensi Kaunseling dan Pengurusan Kredit (AKPK) pada 21 Ogos 2019. Di CGC, MyKNP yang membawa maksud Khidmat Nasihat Pembiayaan, membantu PKS dalam mendapatkan pembiayaan daripada institusi kewangan. Platform ini bertujuan untuk memberi khidmat nasihat kepada PKS bagi membantu meningkatkan kelayakan mereka dalam mendapatkan pembiayaan dan pada masa yang sama, memberikan pemahaman yang lebih mendalam mengenai faktor-faktor yang mempengaruhi permohonan pembiayaan PKS.

CGC juga menguruskan Tabung Projek Usahawan Bumiputera (TPUB-i). Sehingga kini, CGC menguruskan sejumlah 45 skim jaminan dan pembiayaan termasuk 16 skim yang disokong kerajaan. Pada masa ini, dua belas (12) Bank Perdagangan, empat belas (14) Bank Islam, dan lapan (8) Institusi Kewangan Pembangunan (IKP) mengambil bahagian dalam skim jaminan CGC dalam menyediakan pembiayaan kepada pelanggan menerusi rangkaian lebih daripada 2,600 cawangan di seluruh negara. PKS yang berminat untuk mendapatkan lebih banyak maklumat digalakkan untuk menghubungi Pusat Perkhidmatan CGC di talian 03-7880-0088, emel [csc@cgc.com.my](mailto:csc@cgc.com.my) atau layari [www.cgc.com.my](http://www.cgc.com.my) | [www.imsme.com.my](http://www.imsme.com.my) | FB: @CGCmy | Instagram: cgcmalaysia

Untuk sebarang pertanyaan, sila hubungi Jabatan Komunikasi Korporat kami:

Mohana Arumugam  
Naib Presiden, Komunikasi Korporat  
Tel: +6017-237-6366  
[mohana.arumugam@cgc.com.my](mailto:mohana.arumugam@cgc.com.my)

Patricia Liew  
Pengurus, Komunikasi Korporat  
Tel: +6012-286-9085  
[patricia.liew@cgc.com.my](mailto:patricia.liew@cgc.com.my)